



REVOLT

BUDIMO REALNI, ZAHTIJEVAJMO NEMOGU

Broj: Z-6/19

PREDMET: Zahtjev za obrazloženjem novonastale situacije posredničkog poslovanja prodaje odjeće u prostorijama Filozofskog fakulteta u Tuzli

Poštovani/a

Na inicijativu grupe studenata i studentica sa Univerziteta u Tuzli, iznenađeni novonastalom situacijom posredničkog poslovanja prodaje odjeće u podrumskim prostorijama Filozofskog fakulteta Univerziteta u Tuzli, izražavamo duboko ogorčenje, i tražimo objašnjenje/mogućnosti nastanka upražnjavanja ove djelatnosti.

Univerzitet u Tuzli i njegove jedinice su obrazovne institucije koje trebaju da služe funkciji obrazovanja i obavljanju naučno-nastavne djelatnosti, a ne prikupljanju materijalne dobiti pojedinca ili grupa, nekog trećeg lica koji prema odjeljku III, članu 21. Statuta Univerziteta u Tuzli ne spada pod njegovu djelatnost. Posebno nas zabrinjava činjenica da se ove aktivnosti sprovode u prostorijama Univerziteta u vrijeme kada je studentski standard i kvalitet uslova rada na Univerzitetu, ionako zabrinjavajući. Prema Statutu Univerziteta u Tuzli, odjeljku XII, članu 200., stavu 1: „Nastava na Univerzitetu izvodi se u svim raspoloživim prostorima Univerziteta i prostorima nastavnih baza Univerziteta, u toku radne sedmice.” Dakle, ova djelatnost se sprovodi u prostorijama namijenjenih za studente i studentice, izvođenje nastave ili neke druge nastavno-naučne procese i aktivnosti.

Pored toga, osoblje novonastalog „butika” puši unutar zgrade fakulteta što dodatno ugrožava stanje studenata i studentica, te krši Pravilnik o zaštiti od požara (“Sl. list RBiH”, br:15/87 i 36/90), i Zakon o upotrebi duhanskih prerađevina (“Službene novine Federacije BiH”, broj 6/98), član 3.

Đorđa Mihajlovića 4, 75 000 Tuzla
mob: +387 62 355 326

revolt.tuzla@gmail.com
www.op-revolt.org

REVOLT

Osim upražnjavanja Statutom i Pravilnikom zabranjenih aktivnosti, u okviru prostorija fakulteta se promoviše ista djelatnost putem promotivnog materijala. Smatramo da prostor Univerziteta nije mjesto promocije ovakvih konzumerističkih sadržaja, u kakve god svrhe da se ono koristilo.

Zahtijevamo **hitno** dostavljanje sljedećih obrazloženja:

1. Po kojem osnovu se sprovode sadržaji i aktivnosti posredničkog poslovanja prodaje odjeće na Filozofskom fakulteta Univerziteta u Tuzli?
2. Postoji li povreda Etičkog Kodeksa od strane osoblja Filozofskog fakulteta kada je riječ o prethodno navedenim radnjama?

S poštovanjem,

Omladinski pokret Revolt

Dostavlja se: Rektorica 1x

Služba za pravne, kadrovske i opšte poslove 1x

Ured za nastavu i studentska pitanja 1x

Odbor za upravljanje kvalitetom 1x

Etički komitet 1x

U Tuzli, 10.01.2020.

Omladinski pokret Revolt

Merisa Okanović

Merisa Okanović, predsjednica

